



峽山志卷之四

潘陽孫繩祖澹翁父纂修

登臨題詠

國朝詩

遊飛來寺

王

庭

廣子
嘉興人

飛來傳有寺高住此山隈樹隱當門見江穀到峽開
人煙稀煮石鳥道接蒼苔兵甲慙經過無能駐一坏
又

曾聞丹嶂有人開不信花宮度嶺來一室諸空留寶



鹿別峰相見識仙臺雲霞靈境移藏壑風雨禪心靜
死灰杜宇年年啼帝子門前江水碧於苔

二禺勝蹟余夙聞也登臨相印如遇故遊賦此
志之

陳贄分守烏程人

當年題詠亦縱橫為印禪關捫棘荆帝子飛來纔入
話客心思去已忘名遭迴盼處雲方半絕壁橫時波
正平予會二禺成信誓挈壺攜瑟和卿印

八問文學南海人

昔年名勝此登臨峽水禺峰自
一撐雲迷鶴

馭空潭曝日動龍吟飛來近接
十宿遙連三

島深石上題詩人已遠山前幾度聽

口

盧倫陽山令江南人

禺陽雙峙倚天開管有神人示幻來風雨刹那呈滿
月煙雲變現起香臺魚龍江上聽傳法殿閣空中鎮
劫灰帝子舊傳棲隱地殘碑古字沒蒼苔

聶應天邑諭望江人

二月同人覓勝遊春雲斷續上輕裘和光洞寂人偕
隱獅子臺空僧獨留花欲弄顏閔照水鳥知擇木急

依樓迴環不盡山中景次第禺陽底自修

同黃增岸司李登禺峽飛來寺步黃順德相公

留韻

趙善增

攬勝滌塵襟如早獲新禺峽轉境幽深遙天散清露
扳襟踞巉巖似與虬龍御蒙茸秀色生芬芳異馨吐
野猿牽客衣神豹嘯叢霧忘機適愜襟無不兩相慕
巨濤觸危磯聲如霹靂怒壁立萬仞峯層抱相環顧
山頂湧源泉清冽從天注祇此拳石片幽奇不知數
靈刹選勝居飛來輕一羽騰空跨海行是誰爲此鷲

神異自有真託宿知非誤帝子何超然避塵卜斯處
冲舉凌丹霄閒看滄桑度碌碌悲人生紛紛如蟻聚
同具此性靈胡不思其故敬拈一瓣香願乞仙靈護
鸞鶴時往來踪跡期相遇俯仰古今情依迴山水趣
巖壑起陰雲松花落如雨攜手有知音得趣遞相語
機拙意無猜何迷復何悟無糧不足憂弋者何須慮
鶴癯天地寬快哉冥鴻去

劉堯枝

邑冷宛陵人

余本塵外人無得亦無智進退兩相宜茲情有所試

誤落世網中一行卽爲吏豈有濟川才已識浮雲意
隨波逐洪流忽見飛來寺高者負蒼天空中樓閣屨
探奇渺未窮幽懷各自媚帝子管爲居蕭條那肯寄
我叩寂求音得失總一致嗟哉盤錯場經年入顛顛
愧無恆河沙身命可布施波濤忠信涉法化得現示
遊子疲津梁叢棘復還置處身在虛空何異舒金臂
如來無所來斯寺真奇志冥心山水間三昧聊遊戲
初入飛來寺
一寺飛來峽裏懸滄江流急响如煎千年名勝標中

宿咫尺幽靈接洞天野澗棄麻遲問俗雲深雞犬靜
鳴仙勞勞有吏初憑覽可許南薰奏五絃

再次望飛來寺

崔思唯 連州守
通州人

石壁臨江江水冷飄空金刹露鸞翎路從絕頂峯頭
轉樹向危崖嵌處青梅嶺浪傳留一角靈山何不現
全形自憐我亦飛來客水駛風檣未許停

雨中泊清遠峽同聶開人夏文石步陳守憲韻

岩堯一片隔江橫琳刹珠宮半莽荆良友挈壺如待
我山僧迎客自通名達摩石上人先寂趙叟磯頭浪

未平聞說讀書遺址在或留殘篆付虞卿

又同夏文石登飛來寺

幻刹移來不記年洞門扃護蔚藍天空濛溼翠俄驚
雨縹緲晴嵐總帶煙蘿磴忽迴紺殿出崖梯已斷寶
幢連憑虛何處聞天籟檻外飛泉亂拂絃

清遠舟中望飛來寺

陳衍虞 府教授

前峯崖峒後峯矗有寺飛來如寄宿寄宿千年竟不
返暮鼓晨鐘法界肅舟中老僧為我言未曾起齒淚
撲菽當年繁陰蔽晴空蔭映金身一丈六行人見樹

不見山羣樹依山自成簇潭龍夜靜聽經來輸得明
珠三十斛有時說法墜天花虎豹悲哀鬼夜哭誰知
世界滄乘變布地黃金化成霰摩空古木付樵蘇但
餘孤山石片片重遊疑是又疑非茫茫不見真山面
諸天寂歷上苔紋古鼎杳無辨香薦君不見狐貉朝
朝笑化城又不見燕雀雙雙巢忍殿誰抱給孤長者
心再敷金碧煥層岑樹木已是十年計且向枯椿舊
處尋予鄉被寇甲申始十二年來亂未已叢臺委為
日上灰琳宮半沒荆榛裏伊予辭家越周星不見鄉

信夾栞梓傳聞鯨浪正喧
厖千砦盡破名城圯前載
流離家未完而今逃遯將
何以昆明灰廬山李人事
錯錯翻覆何時止切切奕
奕徒爾為試看縹緲峰頭
金仙之靈蹟尚如此

峽寺毀歌以哀之

黎翼之 進士新會人

峽山有寺今是名飛來今
餘遺址今盡委蒿萊南禺
北禺今帝子不回犀吼寒
潭今岸鎖綠苔猿啼絕壑
今其聲孔哀帆檣上下今
過客徘徊子舟南還今獨
上荒臺劃然長嘯今山光
頓開欲尋勝蹟今舟子相

催俟我再來今重與栽培

東坡釣磯

鄧仲升 文學順德

庾嶺勢趨南層巒三峽起
大廟與滇陽禺山復雙峙
中開帝子家伯仲天各倚
幻刹踞上頭舟車時至止
繁昔東坡老風流宋學士
白髮謫惠儋直道違朝市
海外恣揆奇禺陽初歇履
頰瞻凝碧灣投竿雜芳芷
雲影一絲懸頓忘鈎與餌
乃知達士心意不在魴鯉
行樂足當時鐫記昭來禩
烏篆隱飛濤水落字可視
碧軒已迭更此磯終不毀
公歸六百年誰續斯妙旨

山高與水長典型猶在邇

馬峽吟

梁園雪 邑訓

梅峰之麓水滔滔奔流千里滾微濤兩山相望巉岩
冥古松怪石形容異野猿如嘯復如啼令人可聞不
可視城臨水上地靈鍾水遶城邊眾派宗秋晚江準
風雨重魚乘巨浪作螭龍螭龍出沒雨雲期蛟室蜃
樓競獻奇光怪凝眸態疊疊漣淪遙矚漾漪漪漪漪
又赴省之西一瀉建瓶未易躋峽居上流門戶立人
遊勝繁姓名題我來此地功名薄冷署無羶渾不覺

首蓓隨時少許餐登臨癖成忘機樂忘機吊古日徘徊
循古道照顏亦快哉幾欲從中話端的愧無倚馬萬
言才

又

瀟颯金風淒以清禪堂間靜古菩鳴氣騰嶺上雲為
幃潦盡江臯岸作城細雨僧歸持隻履晨鐘梵語和
羣鶯也知刹宇殊靈鷲却羨無端六翮成

丁傅元 文學吳興人

經年遊子忽初冬再入滇江第幾峯一天星綴巖中

菊兩岸煙寒洞口松小輞渡頭畱泛泛太行盤角過
重重夜來莫見羊裘客賣卜關河惟有儂

程徐仙 中書南
海人

碧嶂參差面面齊嵐煙東遶又經西層巖斷續猿仍
引古刹荒涼鳥自啼卓錫何年人駐鶴燭潭有客夜
燃犀我來漫逐王師渡草樹樓船入望迷

禰庭芬 文學
邑人

嶺岫天南起九龍危巔幻出蕊珠宮銀河倒瀉清溪
瀑玉管長吹午夜風帝子雙旌雲飄飄石榴五色錦

叢叢品題何必茅君傳道是神仙第幾峯

王喬新 邑諭四
明人

峽寺春深淑氣氤綿蠻多在綠陰聞憑高眺遠馳幽
緒把酒臨江蕩夕曛澗靜泉清堪印月亭空客去漫
畱雲何當峰警催遊履惆悵中流一葉分

早春同黃湛溪夏文石遊重修飛來寺

陳丹蓋 邑令
閩人

禺峰羅列自嶙峋金碧光生古殿春地闢仙源來帝
子天開奇蹟與詩人樓臺盡演空中幻山水還從劫

後新贏得瑤林堪共語何辭薄宦役風塵

其二

輕舟鼓吹徹層岫結伴閒尋峽水春梵刹能飛畱古
蹟青山無改待今人千峰翠映江流碧五葉花開佛
日新帆挂晚風頻極目白雲深處隔紅塵

次陳邑宰韻

黃許嶸

邑論高
要人

喜隨仙舄上禺岫檻外煙家幾萬春曲澗幽清棲野
鶴亭臺高結遠遊人琴閒更欲流馨韻鳳噉應占福
地新山寺山花皆似簪玉環金鎖杳無塵

其二

金刹巍巍踞上岫乘檣踏浪滿江春波涵紫殿光如
碧瑞應占星識異人簪訝猿歸疑勿問今看神運事
猶新憑誰悉展五丁力一洗年來幻劫塵

新建飛來寺落成

曾謁承明此地過名山寂寂悵如何原無忽有因稱
異昨缺今完豈厭多新院相將栽寶樹層巒取次闢
藤蘿殷勤為報空中錫長護山門永不磨

黎觀禧

文學南
海人

禹峽山志 卷四
嵯峨翠壁倚天開，水入滄溟去不回。寶佛有神能變現，珠宮無翼却飛來。千年塵跡歸爐火，一角雲封挂巖梅。欲向貞靈詢聖蹟，空餘明月照蒼苔。

次陳邑宰韻

誰同選勝入嶙峋，芳草欣迎有脚春。已向禺陽占福地，寧須勾漏覓真人。青山不改當年色，紺殿偏從此日新。我亦探竒耽逸興，獨遲飛舄步芳塵。

劉鳴春

明經邑人

兩山高竝勢相連，一水潛通嶺外天。犀伏百年風雨

惡龍磨千尺角痕，鮮畫圖俯仰成。今古風景依稀憶，往年名勝幾經龍。劫後豪遊當不負前賢。

二

十幾年來狐兔隈，雕題金碧化莓苔。人間不問安公蹟，鶴到寧知帝子臺。烽靜幾迴幡弄影，功成次第鬼輸材。梵林宮闕依然在，誰道名山有劫灰。

辛丑入山削髮重建飛來禪寺落成漫賦

釋弘明

為愛名山萬里遊，名山慘澹幾春秋。梵王宮殿歸何

馬嶼山志 卷四
處帝子樓臺變古丘摩頂聊酬夙世願盟心欲解二
禹愁一莖丈六從茲現法界忻看最上頭

題飛來寺

坐向春風悟道禪鍾靈山水自天然徐來淑氣波紋
細輕落飛花錦字連路入雲峯逢古刹烏迎詞客上
仙源清冷時瀉瑤琴韻始信人間有洞天

次陳邑宰韻

瓢笠三年挂洞岫徐穿雪徑唱陽春門前海色堪留
谷林外鶯聲更可人峻嶺青連千里秀虛簷高接五

新臨流洗硯波紋動賦就應無一字塵

遊飛來寺贈黃湛溪

陳士麟 明經高要人

不到禺峯三十年飛來何去渺如煙盛名遭妬終難
滅勝事重新別有緣誰轉劫灰成淨域將噓莖草現
層巔憑君煉就媧皇石百粵依然覩洞天

峽寺遭毀感賦

夏雲 明經邑人

豈但人間俗劫忙旃檀回首屢滄桑空聞剗琢斤聲
急無復談經梵韻長蘿磴荒涼山鬼泣崖梯傾圯洞
猿傷叅來去住皆歸司何事升沉證法王

二

誰將佛土躡樵蘇恨殺靈山一旦孤
落月斜窺金粟影曉煙寒鎖達摩蘆
已凋蘭草辭玄鶴尚有流泉咽
夜烏焉得祇園金布地重新法界煥輿圖

宿禺峽山中三首

潦倒風塵不記年偶支筇竹到山門
羞稱文字惟譚偈攬却盤飧獨饗泉
松老自流簷外翠溪聲長奏枕邊絃
西牕夜雨難成寐擲管揮殘碧玉箋

二

山溪人盡雨聲喧信宿禪堂意自溫
醉醒付林人二仲升沉古寺佛三尊
蜨藏花底如遺瓣虹起天邊似曳幡
聞道峽猿能聽講夜深還扣老僧門

三

一度登臨一舉杯讀書臺鎖白雲隈
海潮竭力初停宿庾嶺重門又作堆
謾詫佛從三竺到却疑峽自五丁開
欲移剩石肩遊路長住山中誓不回

琴心閣

傑閣倚高岑泉聲响玉琴斷紋苔蘚合
孤軫綠苔侵

不復經絃指如聞訴古今鍾期久不作千載少知心
花阡

紗高峰畔葬蕤花史新傳一段奇紅粉情淚售駿
骨青衣緣薄別蛾眉魂迷暮雨添鶻怨夢繞朝雲許
蝶知寄語如花休妬擲香奩收拾好相貽

吊寺松

傲雪靈根勝地逢煙霞長護大夫封千年琥珀光
留地百尺虬枝翠掃峰護膝咎賢徒入夢摩枝禪袖悵
山蹤無端燿火貪炎利屠盡山中萬壑龍

懷朱叔子

禪院無僧草有煙行人入望總淒然碣磴石迸蒼崖
雪慘淡嵐消寶座蓮淒切候蛩吟筆塚黃昏古月冷
花阡蛩然發嘆悲風過讀罷殘碑酌咎賢

峽山阻雨值崔薤浥州守同次陳守憲韻

得過前溪玉帶橫名山邂逅快披襟探奇拜石頻呼
丈選勝題詩自勒名半舫奇書秋興逸雨山疎雨暮
煙平狂吟勝有江郎筆盡譜豪遊付墨卿

次陳邑宰韻二首

乘閒鼓棹躡嶙峋
琳刹朱甍渙曉春
漫詫空飛原仗
佛始知成住實
因人澗邊瑤艸
沿崖綠洞口天
桃麗日新欲向
名山鐫世澤棠
陰依舊沐芳塵

陳侯太叔曾為邑令

二

最高峰頂頰奇峒
入望郊原處處
春梵放千聲消
幻劫詩成七字
羨驚人紆迴鳥
道王功遠縹緲
蓮臺佛寶新覽
勝莫辭艤棹晚
碧天如水月無
塵

緝峽志成偶韻

夾山雄振穗城東
古寺重興鳥道
通一卷陳編維
罟

數行殘碣紀鴻濛
峰曾識面名畱
譜景愜詩情畫
總工從此勝遊
添壁句冶煙環
護當紗籠

次陳守憲韻

方孔一邑令桐城人

峽口潺湲一葉橫
禪關寂靜掩柴
荆臨風偏憶鱸
魚膾垂釣何須
蝸角名探穴半
封碑篆古飛甍
斜控海雲平驚
從月下聞天籟
始信人間有月
卿

次陳邑宰韻

陳晟閩人

為尋幻刹陟嶙峋
煙水雲山處處
春水轉凝碧青
夾岸山含蒼雪
翠侵人驚聞夜
半飛騰至却藉
年來拂

峽山志 卷四 詩
拭新獨有晶熒巖際瀑簾垂千古不生塵

次韻

翁長信

天涯覽勝步嶙峋福地移來經幾春青嶂排空懸古蹟危崖欲墜斷行人凌風翠浪光如碧對月丹霞色尚新舟泛晚江鐘出寺凡心頓覺靜無塵

次韻

丘上龍

明經南海人

古寺巍巍倚碧峴誰隨飛鳥攬芳春謾言幻刹歸靈境始信名山屬異人苔際碑文方吊古洞中花木又成新應知此日饒清興翰藻翩翩不染塵

次韻

梁上翀

孝廉南海人

層巒選石出奇峴閱盡煙霞不記春石室有書傳帝子丹崖無字覓真人猿姬化去情俱幻佛土重開景亦新便合探奇舒嘯咏色空誰許問風塵

次韻

陳迪颺

文學順德人

巍巍古刹倚嶙峋琪樹梅花別有春雨過澄潭空色相月移瑤璣趁遊人傳來往事碑文古踏去莓苔屐齒新翹首冥鴻天路近長安一望隔紅塵

次韻

黃金價

邑明經東莞人

望中禪刹出層岫歸棹還從此地春山水清光留過
客古今奇句付詩人天涯頓覺凡心幻雲物迴看上
界新盡道登臨千古勝結廬誰似謝風塵

次韻

李夢嵩

孝廉順德人

畫圖曾省識嶙峋雅集喧傳此日春蠟屐穿林呼老
衲布袍隔水揖仙人煙消葛石丹爐冷茶煮僧泉玉
液新欲向安期間消息梅花溪處避風塵

舟過峽山次陳明府韻贈夏文石

黃謙吉

文學高要人

山前山後總嶙峋峽水中分兩岸春二儲來遊調律
竹孤猿歸去謝時人依稀樓閣空中見想像煙霞夢
裏新載路共歌王澤遠蒼生翹首靖風塵

贈夏文石緝峽志成

朱若璧

邑人

卿家住近禺山北日向奇峰曳瘦藤千古勝遊歸載
筆十年玄覽付擔簦詩題石壁懷仙尉舟泛湖光憶
右丞讀罷瑤函生感慨常年攜手記同登

禺山志遊

秦永貞

高要論吳中人

何年高插老雲堆聳入晴巒傍水栽徑引松關藤作

帶泉呼溪畔洞聲迴空中幻出青蓮座望裏撐開碧玉臺欲覓逃秦無是處且敲清磬問如來

清遠署中次秦正也峽山韻 潘五芝 桐城人

仙寺飛依碧水隈參天松倩白雲栽煙橫丹竈雙峰合苔滿穹崖一徑迴幻跡已同環鎖化芳名還勒讀

書臺啼猿莫向山城泣恐逐秋風入幕來

劉風美 宛陵人

馬壑埋深谷奇峰一望開幽花穿鳥道明月出山隈把酒迎江渚高歌咏嘯臺片帆回首後襟帶小蓬萊

尹源進 吏部東莞人

梁代叢林隔幾朝數年板蕩草蕭蕭細推物理時興廢始信人天慰寂寥洞古猿環畱老樹潭溪犀水咽江潮從今再見歌輪奐自是河山萬劫消

遊馬峽諸勝 區大緯 虞衡香山人

此來濟勝具如何絕壁高臺又放歌山客坐中逢藥轉馬君竹裏譜雲和龍痕在石畱懷想神物蟠淵詩可磨七十二峰俱臥遍不妨龍子日相過

二

雲根踏破採春薇
雨後峰青快振衣
江月洗空巢鶴
穩峽風吹嘯洞猿
歸言尋衲子
初籠碧坐得眉山舊
釣磯疇答故人同
覽勝可堪吟和賞
心違

三

王家好佛好神仙
淨飯淮南第幾傳
勝甲五羊非偶
事光分靈鷲是何年
樓臺總有金銀氣
雞犬俱含藥
石煙相與置身丘
壑足料應無夢作塵緣

四

佛照澄潭幾許深
五龍窟宅貢犀沉
一從解脫西來

鎖想見靈通自在心
遊艸欲分新藻細
春衫猶快碧
蘿陰酒酣未遣催
題棹載筆江頭作楚吟

劉士驥

邑令汝陽人

清波疊疊撼江城
閒放蘭橈到寺行
欲訪讀書高峽
處豈知解珮黠猿情
風吹蔭葡萄階前
落日照芙蓉澗
底明四見嶺雲呈
五色多應遙為聖
人生

又

登樓俯瞰自沉吟
豈藉清泉定此心
慢採金芝遙獻
頌溪慚石燕解為霖
榴花尚艷當年事
竹管應存太

古音禮樂未能令作宰且臨流水學彈琴

劉瀧雲 文學番禺人

水滿津橋花滿村扁舟帶雨到山門
長江風急魚龍動高峽雲深鳥雀喧
漠漠古祠瞻帝子亭亭精舍憶王孫
多情更有袁家女猶自含啼入祇園

遊粵將歸題於飛來寺

王東侯 金陵人

歸來北渡此山涯千里清光襯曉霞
異日風生須破浪今朝波靜好乘槎
任他魚鱉張鱗甲暫教蛟龍俟爪牙
為麥替人曾擊楫幾回馬上掩琵琶

中宿峽

天上猿千樹聲舍秋雨哀二禺峰窈窕
三峽水滌洞帝子吹簫去仙人采竹來
夕陽煙翠滿愁見望夫臺九日舟經清
遠峽登高有作

登高何處踏蒼苔繫舸軒轅庶子臺
三峽東西千嶂合二禺南北一江開
枹楸有淚流霜引猿猱無聲落葉催
典盡寒衣當歲晏蘆花難禦雪花來

二

登高未後故林期霜露頻當淒愴時
鴻雁自知南向

早梅花誰道北開遲無情潮汐惟中宿有恨雲山是
九疑斷絕禺陽雙帝子吹殘阮俞更無枝

三

登高愁似送將歸木落山空祇夕暉紅葉有霜終日
醉黃花多露一秋肥蕭條返舍餘長劍潦倒千人失
布衣寄語江間漁父好白鷗無食向君飛

四

登高且喜傷鄉關慷慨能銷壯士顏四海龍蛇悲已
盡一夫鴻鵠恨多閒青年汗血龍媒蹠白首衣裳稚

子斑膝下歡娛惟九日黃花插滿綠萱間

中宿道中

潮到禺陽一宿迴峽門南北向江開玉環已絕仙猿
跡長笛空傳帝子哀黃鵠有心終一舉白雲無恙自
重來峰峰相對都相似彩翠紛紛入酒杯

二

二禺離合似羅浮三峽繁迴到鬱州螺女望夫山石
老秣鵲思婦野雲愁何心帝子偏長往有恨王孫定
久留最是南朝餘古木蕭條落葉易高秋

三

嵯峨峽口多奇石一一香爐不似峰夾岸赤城開錦
繡滿江清影倒芙蓉松篁處處迷山寺洞穴時時應
暮鐘未盡諸灘愁婦子眠篙不遣一人鬆

四

險絕飛厓半壓舟紛紛象馬石當頭風敎急峽三朝
過雨遣驚灘一日畱山鷗催歸知有夢野花多故肯
忘憂迷津欲向煙波問漁父無人祇白鷗

五

峯作華不四注來芙蓉何處翠華臺一天石笋穿霞
出百道雲門夾水開去路蒼茫邊雁引歸心斷絕野
猿催磬磬烏鳥霜林外菽水干人愧不才

六

欲雨空濛翠益深秋光不逐夕陽沉虛無樹影迷煙
棹幽咽猿聲和水琴石疊青螺全作髻峰抽碧玉半
成簪豁訝洞口雲爭吐經盡衣裏冷不禁

七

拂腮飛過一峯峯翠黛含煙落幾重崩石影搖三峽

棧瀑泉聲亂半天鐘光分明月憐空水色染清霜愛
紫茸更好秋花黃菊似屏風點綴錦雲濃

八

削出青天石更青籀龍無數在空冥兒孫大小分喬
嶽掌胷東西擘巨靈峽口并吞三水灌雲門開闔一
峰屏丹崖翠壁題將徧欲就飛來結一亭

飛來寺鳴和

長壽寺
釋大汕
法席

昌侯王使君志託名山行攜勝侶詩筒茗椀
清興洒然時在戊戌六月既望由嶺南僉憲

左遷浙西叅藩道經峽山荒寺艤舟過從涉
巖快遊拈題索句因忘固陋趨步成吟用梁
素冶韻得詩五章以紀其事

登古飛來寺

五代飛來寺天涯寄一林自經南北路不動去來心
峭壁懸新月流泉奏古琴半山亭子上清夜共行吟

半山亭

山亭堪憩暑風起日冥冥雲氣爭溪白林光照石青
水邨煙忽暝漁笛酒初醒散髮凭闌坐長歌望遠汀

觀瀑

樹影宵光動蒼茫瀉百川亂雲飛斷峽急雨下晴天
夜靜流明月風旋散綠煙涼人清遠思最是石崖邊

伴月亭

曲磴紆迴上黃藤抱短牆亭高浮黛色風細雜花香
清磬沉山谷鳴泉帶草堂形骸忘物我談笑共徜徉

晚坐靜來軒

小却青山裏溪光斷復連蟬鳴新雨後人坐晚涼前
芳草黏霄漢斜陽散晚田鶯羣渾不顧欲伴懶殘眠

飛來寺聽瀑

風雨晴猶落春來秋愈生兩山面木立四面帶雲橫
直撞寒鐘碎旋飛脫葉聲中宵明月下還作玉琴鳴
與黃攝之居士飛來晚步

風定聽泉細林疎見谷明茶煙猶未散山月忽然生
滿地薜蘿影沿崖鳥雀鳴與君溪上立詩思一宵清
飛來寺晚訪秋朗不值

洞天十九古安禪門掩秋雲月挂泉猿帶玉環歸洞
後犀連金鎖下灘前松濤謾謾飛來雨溪霧濛濛清

遠煙未識幽人何處去問歸亭外谷聲傳

乘月出峽

高峽月倒出江心仍峽心照流孤擢顯移影隔峰陰
白失霜浮水紅添燒入林遠空風不斷處處有猿吟

飛來寺

入寺禮金磬逢僧問玉環猿鳴竟長峽鳥影度前山
斷壑飛泉下歸雲落照間立來苔蘚壁衣染幾重斑
軒轅二帝子祠

福地仙人宅軒轅舊日祠萬松龍蛻甲千瀑毳飛絲

山色鴻濛鎖江光遠近移與誰畱太古巖壑自題詩

出中宿峽口夜泊

戍樓傳驛火隱隱在山腰月落疑江曉雲飛似峽搖
無人成獨坐有夢託今宵記得來時路風帆趁晚潮

舟過峽山遊飛來寺作

庸菴 金啓貞 新安人 開原人

登嶂層巒逸興猜扁舟千里客飛來兩山對峙花宮
立一水當門佛座開我欲攤書尋帝子誰能得句羨
仙才慙予束帶匆匆去夢繞煙霞日幾迴

上中宿峽

釋跡刪

鷄鳴點火爇枯竹糲飯藜羹煮初熟篙師飽催上
船船頭見水不見天山高日出天未曉水底觀天見
天小喚起同舟看遠雲白衣蒼狗何繽紛雲開仰見
山腰寺古殿飛來居福地鐘聲鼓聲通渺冥聾者自
聾聽自聽大呼喚轉操舟嘆而輩登舟我登岸來程
無幾去程賒中途見寺如見家我聞定心亭在最高
處登峯到頂休疑懼莫待歸舟下峽時順水順風雷
不住

重遊飛來寺有懷張子白邑侯

名山久別幾經春粉壁留詩墨尚新中宿偶來成信
宿問津多恐是迷津孤峰翹首雲千疊兩地歸心月
一輪漫與同遊較同異普天何處不閒身

飛來寺

錫鬯

朱彝尊

博學鴻詞
秀水人

花宮蕭瑟暮雲間絕磴藤蘿迴莫攀一自高風留帝
子至今修竹滿空山澄潭犀去沉金鎖古洞猿歸帶
玉環此夕登臚渾不寐更教沿月弄潺湲

又

飛來寺脚束江濤徑入雙林磴轉高怪道褰簾蝴蝶

至軍持新插紫山桃

鶴亭

楊名燦

吳川令
錢塘人

靈鷲飛天竺寺從何處來有泉皆碧落無樹不雲栽
心定談經石機忘釣鯉臺獨憐江上客帆挂幾時回

戊寅歲督堂弟輝藜歸里泊舟禺峽寫懷次蘇

公韻

士心

賀

志

安福人

舟泊雙禺峽水凝無數灣人心都似此我輩幾開顏
密霧香頻撲頰波逝不還瞻雲離穗石垂素望梅關
歸視景中景馳情山外山久羈嶺海外今返楚吳間

高凌翮猿喜卸環武功何日到戲綵挽新鬟

和大兄韻

輝藜

賀景向

安福人

攜琴遊海國鼓櫂歷江灣幾閱雙禺道頻瞻二庶顏
窮途長痛哭倦翮久思還仲父恩難撇伯兄念倍關
挂帆辭粵嶠計日返吳山置我蓬菲裏放懷宇宙間
醒心蕭寺磬卸累老僧環拭目遲明發青峰結曉鬟

佟毓秀

方伯藩
陽人

為問飛來寺尋幽一徑淡陰雲連曉色野鳥異山音
突兀奇峰面澄清曲水心香臺追往昔臨眺獨高吟

畫松拜經臺壁并題

古刹溪邊暫泊舟，每因山水必勾留。
老僧解得清幽意，為寫蒼松雨乍收。

次佟方伯韻

莘岩 張天覺 參議

細雨千林潤層雲，萬壑深溪繁華豈。
所好山水是知音，玩石添幽興聽泉。
慰素心自慙非作者，聊此效長吟。

次佟方伯畫壁松韻

為尋舊跡復停舟，雨後層巒積翠留。
最愛老松蟠筆底，參天枝幹短垣收。

次佟方伯韻聯句

山深林自密，柴公厚路轉徑還深。
瀑挂高低雪，唐南禽

留上下音有雲堪贈客，柴公厚無事足關心。
不盡攀躋

意冷然發短吟，唐南林

又次畫松韻

柴公厚 山陰人

雨餘風細好行舟，遙聽禽聲似欲留。
百尺孤松圖未竟，滿山雲霧一齊收。

次前韻

唐南林 雲間人

重遊香刹繫扁舟，摩詰長松躡後留。
也向天台橋邊

數第三株見畫中收

黃伊 四明人

躡磴尋芳徑藤蘿路轉溪岩前千丈雪瀑遶一溪音
花鳥皆含趣雲山共有心登臨情不淺揮翰發豪吟

陳開甫

撥棹停舟上碧峰巍峩山寺倚江中倒飛銀練層層
白厖亂山花處處紅入眼頓忘塵外世出林猶聽午
前鐘遊題古刹頻呼渡却喜輕帆每送風

黃辰 西林人

福地誰先占禹陽帝子來白雲雙峽曉紅日一江開
醒見羲皇世間攜李白杯分題詩思好香透滿溪梅

梅園方外士

舟泊飛來岸登臨滿目明水傳天一線風歇鳥聯轂
漁火添詩興樵歌動逸情往來憑眺客曾覺利名輕

陳之彩

此寺足千古亭亭半嶺陰邀月留雲坐引泉供客吟
僧歸持杖笠鳥語向山林豈無蘇學士留帶印禪音

苟金薇 曲江令蜀人

何年古寺忽飛來點綴名山次第開江面波濤翻似雪巖前瀑布吼如雷客緣磴道窺禪室僧下松陰指釣臺勝地自留人自去每過茲地一徘徊

禹峽鼓櫂歌

松江趙世功易州牧潘陽人

余癸未補任白州道經禹峽緣憑限甚促欲維舟一登飛來而未遑也因作禹峽歌以志

感云

鼓櫂忽經禹峽道翹首飛來飛不到名韉自古繫人忙去住那得從吾好山靈笑我似轉車十年還戴舊

烏紗爭如漁人舟上下一篙一網臥煙霞臥煙霞興不淺太息王臣空蹇蹇幾時挂却頭上冠鼓櫂重來窮幽險

舟次中宿峽同諸友人尋飛來舊跡

月亭熊淑娟陸川令江西人

自昔曾聞峽上巖孤舟萬里乍停帆呼友扶筇板斷岸瑤宮紺宇何巉岳寶樹灣灣濃如緻四面危巒欲無地云是海南有仙山山人指我飛來寺飛來古寺自何年嵐外朦朧尺五天結構凌空通碧落飛來那

肯復飛旋石竇斜通磬磴偈界破青天鬼斧力頓覺
陰森語不聞法雲倒湧飛泉黑氣肅聊酣澗上亭潮
音虎嘯駕青冥正欲長吟呼帝子山驚搖落鳳皇翎
忽聞梵响殷習習漫喚沙彌扶檻立莫道虎丘石點
頭朝昏鐘鼓老猿泣慈悲妙相尚瓊台片片曇花向
佛開殿角微風驅鳥去峰頭斜日剖雲來重整征衣
不可上卽此全將旅懷放舟子擎篙客上船曙色山
光江水漾我自廬山五老前曾隨薄宦太行巔何如
長峽通幽谷雨花晴翠滿樓船

遊飛來寺

潘曰郊

建昌人

梵宇凌雲表鐘磬振水隈自然成異境豈必是飛來
候改花常艷霜寒樹不摧千秋猿與鶴長繞吹簫臺
宿飛來次韻

釋南野

嶺南多勝蹟此地最幽深殿角空天外風泉落石音
猿啼山有月花笑客無心不盡登臨興憑高幾度吟
歸猿洞次韻

浮生誰自覺爾獨悟前身斂跡歸幽處遺環別主人
薜蘿封臥石雲雀復爲鄰拭目洞天外巖花依舊春

古飛來寺

位北 黃輝斗 江寧人

傳說舒州寺飛來事甚奇神功歸帝子法席啟禪師
動靜原無着虛空定有為炎方留聖蹟登眺步遲遲
定心泉

心定慧光現泉從定裏名一泓通地脉百世仰師誠
寂寂涵天影泠泠散雨聲因思清淨理感此悟無生

讀書臺

帝子乘風至千秋尚有臺相傳讀書處但見野花開
圓景界蒼壁輕嵐染綠苔雲裾雜星珮冉冉彩雲來

歸猿洞

猿與環俱去猿歸環亦歸祛塵仍物化滅相總忘機
洞古春常在巖深艸自菲僧猿兩不見風露獨沾衣
談經石

九年曾面壁於此豁天機解得石頭意真知禪性微
掃雲初見月留此自生輝要識西來意花溪蝴蝶飛
犀牛潭

水犀走潭底化作五龍蟠貢使無因覓澄波何處看
天沉蒼靄現山疊翠雲寬渺渺懷靈境端居戀碧巒

翠屏峰

古寺面危壁層層碧插天藤蘿上喬木花鳥悅疎煙
相對了無相坐溪似有緣夕陽看峽口樹杪出江船

東坡釣磯

坡仙謫嶺表隨處發天機偶爾觀魚樂人因說釣磯
清風高柳蔭疎雨落花飛一片空濛裡輕煙淡夕暉

拜經臺

岳臺嵌丹壑緬想拜經時月白千秋淨天高萬象垂
鐘磬出深林梵音應杯地頭禮情何限如來知未知

遊飛來寺

五樂 劉繼向 安福人

吾方為海泛寺早作天游可惜常懷土不如慣點頭
探竒緣絕磴寫景入虛舟最羨神仙客空山處處幽

戊子秋杪舟過飛來寺

可菴 王僉吉 茂名令 桐廬人

飛來占福地樓閣挂諸天萬木生清籟千峰沸玉泉
鳥啣花雨靜竹引鳳臺連我亦吹笙侶今輸帝子仙
已丑元夕遊峽山寺呈薛厚餘夫子

蒼嵐 許惟欽 樂昌令

正月嶺南花亂發春山纖纖春水滑一舟好趁清江

行雙撓特為良宵歇峽山山寺作遨頭兩山逼出團
團月光月色相鮮新攜從况復依高人山陰夫子
與型在超超清論凌秋旻共把一杯奉几席招邀稠
疊來嘉賓良宵良會傾東南明月當頭酒半酣蛟龍
睡穩猿鳥避樓臺掩映天鬱藍急管繁絃斷復續銀
花火樹搖明燭弱雲畱住列江濱碎星落在禺山曲
金尊未盡銀漏殘臺迴山深衣袂寒春色都隨使君
去二馬回首空嶺岈從此峽山傳勝事禽鳥安知醉
翁意夫子振筆逞雄文請向山巔鐫大字

初秋遊飛來寺八首

江行尋勝跡近岸老僧迎古刹飛梁代名山接粵城
到門塵念息入殿梵香清更指登高路扶筇試一行

其二

靈鷲疑爭勝嶙峋勢不羣數峰高礙日一逕細穿雲
樹密陰常合碑殘字未分悠然生遠思瀑响隔山聞

其三

百道泉聲沸崩騰竹樹間影隨雲共落勢與石俱環
細脉尋難得清音聽自閒深慙心未定一掬洗塵顏

其四

福地傳來久登臨領會深寺知飛處力泉識定時心
不見曇花落居然祇樹林何當謝塵網瓶鉢逞幽尋
其五

古寺入天半雲中更幾峰忽驚青巖嶮又指翠蒙茸
峭壁迷猿跡幽巖斲鳥踪松喬應不遠相見卽相從

其六

二子尋真處軒皇間法年道書傳十九人世俯三千
衆响歸岩下諸峰聳案前幾時排俗慮來叩靜中禪

其七

清景尋難遍歸途興轉饒晚風吹殿角斜日下山腰
倚竹行危磴依藤過短橋老僧知我意重遇許相招

其八

鼓棹下奔流漁歌兩岸幽樹陰深向晚山色淡宜秋
數夕捐塵夢斯時豁醉眸鐘磬如有意相送到孤舟

縹幡嶺

旬九

王培基

清遠衛山
東進士

嶺上縹幡傾刻風至今傳頌二神功當年討叛帥師
者何不勒名紫翠中

遊飛來寺

芥菴徐嶺山陰人

千峰夾兩岸一水界中流
帝子歸何處名山引勝遊
潮曾宿福地寺亦懸丹丘
望氣芝生岫談經石點頭
猿啼幽洞月犀鎖古潭秋
雲護磨龍角風清伏虎樓
葛翁壚火靜坡老釣磯浮
不羨百斤鯉偏尋五色榴
水簾挂飛瀑淙碧响鳴球
勝有仙源在渾無瑤席留
珍禽啄竹實珠露滴松虬
筆塚封殘瀋花阡瘞舊愁
篆碑仆茂草題壁响蝸牛
棧閣風檣亂虛亭客屨稠
巨榕撐櫟杜紅雨落花洲
集鳳臺非故定心泉未收
何當豪興客頻泛御風舟
到此窮幽渺誰云盡繆悠
只勞扶我杖應醉釣詩鉤

次許樂昌韻

何深丙戌進士

舟楫凌空度山花帶笑迎
煙深蕭帝寺水瀉粵王城
天籟時時發風泉處處清
到門塵念淨更約上方行

其二

振衣幽徑滑步入老僧羣
望去千峰雨飛來萬壑雲
諸天三界合雙峽二禺分
虛谷風傳响猿聲靜裏聞

其四

馬山志 卷四
和風吹玉帶笑語落林間隔水笙簧奏迴峰綺繡環
天空雲影淡樹密鳥聲閒搜得驚人句煙霞亦解顏

其四

古寺懸峰峻欹危殿角深風雷生定力木石老禪心
貝葉翻千片天花散滿林忘機通妙性麋鹿自相尋

其五

心定泉源出飛流下碧峰涼生紅朮潤甘益紫芝茸
滴乳朝懸寶清音夜入松塵纓終日繫洗濯此相從

其六

我愛坡仙洞清幽可引年桃花流萬片塵劫閱三千
瀑掛水連隋雲移樹忽前觀身空色相靜坐壁間禪

其七

朱檻臨江閣堂開物色饒晴雲生石罅斜日界山腰
雞唱堦前樹僧歸竹外橋茶瓜畱客話風雨更相招

其八

漸涉煙霞趣難忘勝境幽釣臺陰見日禪石冷含秋
磴曲遲遊屐花繁眩客眸重來還信宿江畔問魚舟

馬山志 卷四 詩
憶中宿峽

虛舟

鄭

玟

三水令
龍巖人

瀕水經中宿滔滔去不窮峽裏多奇怪峭拔復玲瓏
我欲艤舟傷絕壁直上峰頭吹鐵笛岸幘不知天地
高長歌一曲傷明月

自辛卯遊峽山後晨夕結想以外臣不越境未
遑復也距甲午春暮因公至中宿潘陽孫澹翁
寅長挾之復徃江山如故而景物改觀福地得
主人矣喜而賦此

清晨棹輕舟行行望中宿七十二奇峰縹緲入我目
兩峽束瀕江幽崖叢古木雨霽見翠屏篙落响岩谷
艤舟路已經重遊路較熟徙倚亭榭間山光媚幽獨
飛泉落九天隨風飄林麓再登半雲亭長嘯蔭修竹
古寺發新花空山多羽族羣峰環几席澄江如尺幅
猿歸石洞幽荒徑遊麋鹿誰人開生面茂宰神思速
題詠遍巖阿清新殊可讀暇日邀衆賓醇醪載百斛
開尊遲明月豪飲余惛伏仰看巖上雲無心自相逐
何年辭簪組來此結菲屋

又

七十二峰真峻絕就中最好是飛來江環古寺三秋

碧雲擁幽林一徑開石畔結亭觀瀑布岩前採藥踏
蒼苔遠公說法容深坐花滿空山月滿臺

又

江澄中宿二禺青古徑縈紆入窅冥欲落不崩山上
石半藏微現樹間亭泉流曲澗通茶竈花發清秋映
翠屏解纜思歸未得此心戀戀在談經

遊飛來觀瀑

梅崖 趙弘煥 古田令
潘陽人

舟歷禺山道尋幽泊水隈寺原無羽翼人却說飛來
蠟屐迷芳艸春衣染翠苔寒巖隨意入噴瀑响于雷

吳士弼 秣陵人

天地有常位山川恆定處如何龍舒刹飛在此濱滸
挂錫千餘年安禪百世祖動靜本無心我亦從茲悟

庚寅十月舟過飛來寺

崔汀 韓 錦 靈山令
潘陽人

山靈斧鑿夾江開疊嶂層巒隱碧苔寺自何年飛不
去猿因有洞識歸來蕭梁斷碣餘兵火梵苑寒鐘闕
草萊我愛泉鳴千丈雪停橈一一問僧回

甲午七月舟過清遠澹翁孫明府畱宿山邑極
盡款洽次日相送于飛來寺下盤桓兩晨夕而

別經行數程情不能釋賦此誌感

路出胥江口因君扣縣門多情留信宿小住幾黃昏
閤夜傳金鑰秋光滿玉尊臨岐悵明發執手重相論
其二

喚棹餞斯別臨江并小舟登臨揆勝蹟情話託良遊
古洞藏雲老飛泉抱寺幽天風搖燭夜一嘯復淹留

其三

風避寺門下傳觴又隔宵留連忘客路離別惜蘭橈
宦轍輕于擲吾儕重久要孫登長嘯去揮手望雲霄

又坐瀑布下口占

嶺海三年客又歸艤舟傍晚叩松扉
欿林屐滑苔重破石磴雲閒路不違
萬斛玉泉穿澗落半峰雪練倚雲飛
亭邊早覺仙凡隔到此人曾肯息機

伯兄作宰石城余於壬辰春赴署舟過禺山勿
勿弗獲訪勝擬歸帆作盡日遊詎抵寺病暑僅
推篷一覽感懷二絕

我山

孫紹祖 潘陽人

一葉倏經禺峽過千紅萬紫滿山阿探奇最是春光
好鼓棹如飛喚奈何

又

歸舟擬得肆幽尋
誰料忽為暑氣侵
福地到來憐伏
枕空聞鐘磬出琴心

次佟大叅韻

楊 玠

旭日千峰滿丹崖
萬木深坐看雲幕
展臥聽水簾音
恰好尋幽賞
忽生遺世心
青蓮如到此
天姥豈勞吟

登飛來寺

澄泓曲水挹蒼山
一徑紆迴取次扳
今古休尋來去
迹色空還在
有無間
木翻貝葉
青楓合鳥解
梵音白

晝閒翹首煙霞如可接
征途聊此破塵顏

問歸亭

玉環猶在老僧非
回首茫茫事總違
為問歸來何處
所上陽天竺兩依稀

李長華

明經邑人

洞門高結翠重重
法闡南來第一宗
一水綠浮紅日
魄二禺青插白雲峰
風行細瀑鳴虛澗
磔引輕蘿上古松
欲買絲綸無處下
却從何處問坡公

飛來寺

稼軒

何倬炎

仁和籍
蕭山人

動極還思靜安禪久不飛樓臺懸碧漢鐘磬落林霏
寺古松生夢山溪猿晚歸放生池上月冷浸釣魚磯

禺山寫懷

東侯

李應貴

分防遊戎河南人

也縮兵符擁鐵騎不堪照水髮絲絲天恩真似雙禺
峻擬對空王日祝釐

過清遠峽

海門

唐化鵬

新會人

入峽輕帆急回看天地寬勞人慙水影旅客慣風餐
樵識雲深徑漁知潦幾竿青山紅寺在寧及老僧安

登古飛來寺

紫垣

沈輔邦

廣東右衛江南進士

直上北禺頂神怡古寺幽禽言如問客樹老不知秋
佛自梁時至吾為此日遊揆奇奇已甚何事更搜求

壬午暮春之任羅州舟過飛來寺登覽有作

澹翁

孫繩祖

邑令潘陽人

雖是神通大云胡不憚勞通宵移寶殿萬里補荒臯
畫棟飛潭影蒼松撼海濤獨嫌初束帶未敢作禪逃

出米洞

濟世無術可點金峽山有洞號出米此洞應不記空
名能令飢人顏色喜我調中宿三月春春江白浪拍

天起登城鎮日望郊關啼飢號澇不絕耳聽來祇覺
心如傷猛憶米洞峽山裏維舟策杖入山椒洞踞巉
巖雲徙倚巉巖陡絕不可扳但憑衲子伸手指側目
洞邊瀑布飛色如玉粒甘如旨可惜療渴莫療飢禾
識昔人命名始鼓棹歸來發長吁徃回虛度六十里

放生池

天地為大閑庶類為疆囿中有至人存巍巍萬物睹
待澤豈一隅九垓望恩普遐哉天寶間特敕峽山澗
一泓十里遙不容張網罟魚鱉滋長生祝聖髻鬣鼓
由唐以迄今年華可歷數潛久應化龍際天作霖雨
報茲尺澤恩非直免遊釜我幸逢聖朝簡調來斯土
乘閒遊二禺老僧合掌語指顧放生池勝名留千古
我憐採捕多禁絕遵先矩第惜此區區不過細鱗聚
安得一擴充物靡不得所

龍磨角石

中宿峽口水之隈中有巨石殊奇瑰石底潛龍水滌
洄春雲漠漠鎖崔巍就石磨角殼如雷漁人竊視膽
欲摧少焉浪靜濃雲開移舟晚石似經鎚掃盡塵沙

出峽山志 卷四言 三
梳碧苔我行過此重徘徊風波莫教平地來願為霖
雨遍八垓龍之為龍真神哉

半雲亭

半雲亭在山之半雲氣氤氳飛不斷瑤艸芊芊繞畫
欄奇花灼灼凌霄漢閒來覽勝憩亭中想見當年仙
令風一嘯飄然游物外登峰造極興何窮

海翁巖

海翁余友人劉子繼禮號也此岫踞達
摩石上友曾夢坐岫下聽虬髯翁談經
一日遊飛來見而異
之曰勒其號于岫

海翁何處來棲息峽山裏亦知動恆流不如靜能止

翠螺為髻兮雲為衣長叅石禪兮永以息機君不見
黃梁未熟人已覺奚似寒岩忘剝啄

重陽前四日偕國學歐升甫禱雨金芝巖賦贈
旱魃秋為虐攜君禱洞真竊疑吏不德所喜士能仁
雲氣忽迷野天心欲轉輪相期車後雨載滿慰吾民
禱金芝岩得雨喜復舊亭勒石誌異擬題壁以

貽後賢

秋禾驚早虐幽壑起潛龍石燕飛時雨溪流亂午春
碑摹新墨水

柳州紀神龍吸僧硯
水救旱雨黑如墨

亭闢舊苔封寄語

勤民客金芝勝赤松赤松子三皇時行雨師

和光洞

我羨安仙勇飄然解組來丹從忘世轉榴對好懷開
和氣蒸山骨光風繞洞隈登臨深悵望欲去復徘徊

歸猿洞

訪到袁姬洞芳菲滿翠巖塵緣都是幻此境却非凡
莫遣雲封戶偏教淚濕衫我來尋舊侶長笑話醜醜

葛壇石

怪哉抱朴子到處便燒丹此石留仙蹟今人景葛壇

天空容嘯傲海闊仍盤桓石上有海闊天空四字欲訪成蜂術

何時得挂冠

讀書臺

大塊文章聚此臺山光潭影映蒼苔清風日送書聲
下皎月宵移燈幌來帝子三墳雖未出羲皇一畫已
先開結繩後圖書故應有英華散九垓

臥仙巖

學得仙人斬睡魔偏從此處臥巖阿耳根不省猿啼
苦夢裏長同蝶翅多十載折腰忘是幻窮年高枕樂

如何我來重訪黃庭訣洞口雲霞隔薜蘿

問歸亭

欲訪袁姬最上峰且從此處問歸踪湘裙未必臨風舞羅鞵空憐惹露濃緣淺不堪腸寸斷情深猶翼話重逢亭虛四顧杳無極消息何人肯告儂

凝碧灣

湏水經長峽滌洄碧一灣臣心聊似此寒影映禺山雲臺山

昔人何所見峭壁篆雲臺引得尋幽者芒鞋日日來

又

十載離鄉關于焉又稅駕白雲入望遙常坐雲臺下獅子石

釣鯉石

昂然踞絕巔卓爾標孤格自遇跋多羅共呼獅子石坐石垂綸憶趙生百斤一餌尚嫌輕無端入貢秦王去釣鯉原來是釣名

談經石

即達摩石

師從西竺渡南溟奉詔金陵此一停石上至今芳跡

在松風謾謾似談經

犀牛潭

何年神物出崑崙重譯殷勤獻至尊一自化龍中宿
峽寒潭脈脈浸雲根

秋雨愆期孫父臺虔禱金芝巖甘霖立沛賦此

恭謝

寫亭

陳弘烈

邑諭四會人

步禱渾如有脚春傾湫洗出舊亭新山靈自合通呼
吸仙令何難役鬼神郇野陰膏歌雨我周原離黍斷
風輪豐年從此天人暢盛事千秋燦翠珉

星五

張聯奎

邑訓徐聞人

爭說芝巖有洞天乞來甘雨展豐年君身豈必為蘇

後令續居然在郭前

萬曆中邑令蘇郭二君禱雨立應建喜雨亭故云

撤却

犁鋤人似雀不空紆軸吏真仙崇碑鵠立新亭外好

譜敲歌八管絃

金芝巖舊有喜雨亭久賦黍離癸巳秋旱我侯

孫夫子偕寮屬及小子禱巖下賦詩見貽越日

桑林應禱因築亭舊址仍顏喜雨勒碑紀事不

揣固陋率步元韻恭謝二首

并甫 歐嘉遇 國學邑人

誰云名勝處載籍未全真試看今時澤方知徃代仁
香初浮洞口雲即擁車輪賢宰誠如此歡騰比屋民

其二

喜雨亭重築傳心到此真天傾連日澍穀結一囊仁

碑篆昂空谷歌聲夾畫輪神君興古蹟樂事紀編民

瀑布泉

合貞 楊士芳 邑尉金華人

寺是飛來寺泉為太古泉如雷轟絕壁似雨灑長天
淨境從茲宿塵襟到此湔悠然思帝子明月印江邊

郭衛朝 三韓人

飛來何處寺峽內藏靈祕本自天上落雲從足下出

檻前波浪清山後松聲異古道石崎嶇登臨無限意

次坡仙韻

梅谿 張 恆 金陵人

翠屏張兩岸碧水繞五灣停舟試探奇極目豁塵顏
松杉簇高低泉石互徃還林鳥未投宿禪僧欲閉關
犀沉吼夜月猿嘯歸空山白練散雨花廉纖迷樹間
斷續倏陰晴變幻如循環螺髻籠輕雲彷彿梳霜鬟

次佟方伯畫壁松韻

紫湄 吳正元 邑庠

名山曾繫木蘭舟
松夢迴時墨跡留
七十二峰青似
染虬龍無數一枝收

飛來寺

天虹
江士梁
錢塘人

蕭梁酷信佛寺亦說飛來殿
倚雲巢上鐘沉峽水隈
為曾吹阮竹便有御風臺
環鎖如非幻榴花何處開

夏駟宛
吳興人

濱江秋水浪如雷
萬壑蒼山束不回
此寺飛來不飛去
只因彼岸有人來

又

獨向空山禮世尊
塵緣消盡道心存
蒲團未許遊人坐
一片寒煙擁寺門

遊飛來次坡公韻

海翁
劉繼禮
安福人

峽束湏湟水曲曲復灣灣
我從匡廬至就此浴塵顏
禹君凌波來問我幾時還
還期煞莫定且共入雲關
飢不須嚙雪隱不費買山
置身三界外翻嫌十畝間
稽首謝禹君碧雲紛若環
笑看兩青峰宛似立雙鬟

飛來殿

移山謾說是荒唐
須陟雙禺閱上方
神自舒州乘夜

氣寺將延祚到天荒如來座下青獅古帝子祠邊綠
水長我亦飛來塵外客塵緣未斷更迴翔

定心泉

焦山無處滌塵襟駐錫如何得定心指點雲根來大
士闢將玉液出瑤林寺後右岩舊鑄瑤林
二字為泉源所經影澄乍掬

寒光動味冽頻消暑氣侵最是更闌諸籟寂涓涓不
斷似龍吟

雲臺山

曾入燕關上候臺占雲不覺好懷開興言往事魂銷

矣

侯臺在易州城子戍子歲北遊登焉時趙松汀夫
子為州刺史欵我以上賓者經六月越二年而夫

子即世每一興
念不禁愴懷

坐看茲山勝絕哉何代出雲飛異彩

昔人題石鎖蒼苔就中多少瓊漿在我欲憑虛飲玉
杯

縹幡嶺

禺山歷歷肆揆奇謾向奇中一細咨採竹芳踪傳上
古縹幡幻蹟播唐時多因帝子舒神力頓令征人罷
鼓鼙我學坡仙聽說鬼嶺頭轉覺影迷離

讀書臺

誰築高臺號讀書盛名偏讓古皇初時論大抵皆烏
有往蹟何妨賦子虛殼似咸池天素籟綠同帶草水
環除幽尋獨耐披荆棘我亦矜談帝子居

半雲亭

樞衣直上飛來去到此剛分半嶺雲竹杖頻年支偃
蹇芒鞋此際笑空羣虛亭景色依天靜古寺鐘聲到
耳聞小憩悠然舒一嘯空山野鶴舞紛紛

獅子石

猊猊共擬似獅王獨踞寒巖閱世長苔蘚歲深全體

綠野花春暖滿頭香幻形偶動神僧訪空谷住古
佛光太息吾衰筋力倦探竒猶喜陟高岡

和光洞

避世難求志與同今來禺峽訪安公洞中景異書堪
信谷口雲深路不通豈我雙眸迷五色抑君高蹈御
長風猛然會得和光意踽踽涼涼到處窮

歸猿洞

猿姬逐伴欲何還仍向禺山擁翠煙洞口綠蘿春自
長巖頭明月夜長懸但聞鐘磬雲端拜不羨鴛鴦水

際眠從此塵根都削盡一殼清嘯自仙仙

問歸亭

莫怪猿姬性轉迷紅塵歷盡更何之
捫蘿舊侶重逢日繫頸瑤環好卸時
潭影悠悠開匣鏡巖花宛宛映蛾眉
我來欲訪言歸路兀坐空亭更繫思

葛壇石

吾鄉亦有葛仙壇踞小桃源第一巒
杏樹分林春艷

艷曦輪出海曉團團吾鄉武功山一名小桃源即葛仙藏書處上有葛仙壇每子夜

登壇觀日其景絕勝舊有二杏並立東花則西實至明年則花實易向閒遊禹峽尋神

蹟想見伊人立石磐到此徘徊思不盡扶筇再上白

雲端

飛泉洞

匡廬瀑布鈔天下中宿懸流亦絕竒似雪欲吟飛絮
句如珠擬賦墜樓詩寒光日射銀龍舞咽韻風迴玉
管吹洗耳難偕巢父至孤亭兀自一支頤

臥仙巖

最愛高寒好避炎浮生却被俗塵淹空懷國士萬言
策輸與仙人一覺甜徒倚閒凭瑤石塌卷舒靜對水

晶簾賞心不盡畱連意蝴蝶紛飛過短簷

靜觀巖

寒巖寂歷敞雲居靜坐方知動不如定水澄心時脉
脉清風拂座日徐徐侈談足跡周天下真似浮雲度
太虛物外生涯原未薄白頭始覺悞儒書

出米洞

老入飛來作勝遊閒尋米洞似登樓飽餐擬破窮途
哭足爨能刪巧婦愁白粲久虛仙庾鎖黃金難買大
倉收療飢到此仍無策欲學元章拜石頭

